

漢書集



序

自古大臣賦政于外蕃宣四國受明命而建功庸
往往播諸詠歌每懷靡及南仲之城方召伯之城
謝仲山甫之徂齊召虎之疆理江漢至于南海皇
父之敬戒師旅省此徐土其事竝見於二雅之詩
後代建旄秉鉞之臣或不古若劉宏陶侃有勲伐
而無文章嚴武薛能有詞翰而無功烈惟裴晉公
討淮西過女几出題詩刻石范文正公行斫代間
話江山有作自是以降蓋文采可傳於後世者希

矣何論功業且其足跡所經未始有窮荒遐涉萬里風濤之危則其事猶耳目所習其詩亦不奇不足以稱其瓌瑋志氣閩之臺灣孤懸海外土曠民悍蝨蟻易滋文恬武熙久益懈弛乾隆五十三年逆賊始平

高廟乃令督撫及將軍提督分年東渡稽察其地嘉慶十一年

仁廟率由舊章責文武重臣以次往察核營汛嚴肅操防十五年復令每隔二年一巡閱資彈壓所

以整飭武備綏靖海隅至深重道光四年今巡撫金匱公適奉是

命由三山馳驛至廈門揚颿飛駛抵澎湖入安平視鳳山新築城窺沙連埔裏諸番社踰淡水循三貂達噶瑪蘭回權容與徑指五虎門而歸是役也東瞰雞籠西逼紅毛南通艋舺北窮蘇澳歷水程數十更海島二千餘里詰戎兵討軍實采風問俗周諏番黎戮悍卒之犯法者三人劾鎮將以下降斥有差募商由海道運米赴天津十四萬石以應

詔旨威立惠覃吏畏民悅

天子嘉之公天才高邁凡島嶼之形勢犴獠之情狀閭閻之習尚組練之鋪敦貨殖之珍恠風波之險夷恢詭絕特震盪心魄一於詩乎發之使覽者攷其政俗開卷若燭照符合焉哀之得若干首命曰婆娑洋集此其視召伯仲山甫以下諸賢流風餘韻勲勞不殊而壯遊奇觀則豈古人之耳目所嘗及者哉公負不世之資膺非常之遇

兩朝知其政事文學冠倫魁能莅閩最久自汀守

不數年擢屏藩遷皖撫以去不二年復移節此邦文武爲憲暉光日新庸獨以翰墨爲功績而已哉然公之詩卽公之政之所徵也非猶夫尋常紀行之篇什也後之巡海徼者讀公是集得其意而敬守之則所裨於

國家豈其微哉壽祺不敏辱命爲序謹推闡公之所以治桑梓者以明之若夫文詞之工春麗鯨鏗吐韓茹蘇知詩者能道之矣故弗贅甲申秋九月福州陳壽祺序

題辭

筵樓趙慎畛

赤嵌岬嶽東瀛東金甌圖版恢鴻濛橫象使者令
肅風

詔整六師脩我戎梁溪中丞今夔龍用作霖雨舟
楫功飛符秉節開艤舫鉞經直指鯤鹿蹤筆籌寰
彙鏡照空元精炯炯星羅胸高張牙燾尊威容譚
笑可却千羆熊荷蘭舊徼南北通久披障翳疏覲
髻來往程甫三月中峭帆瞥尔輕於鴻網維經緯

勞息忽餘事猶復裁詩筒瑰瑋俶詭摛工光燭
兼日搏桑紅攬勝蒐奇誰為同毋迺踵繼玉局翁
歸裝一帙攜示儂如聆僊樂耳忽聰周迴曠若昭
發蒙滄溟歷歷收雙瞳嗟我猶扶麻中蓬閩疆附
驥疲駑從何術調御蜃幻虹官箴民俗省厥躬讀
君新詩鏗洪鐘匪等小技矜雕蟲藹如仁言德符
充彙熟番荒生計崇睢盱誰憐窮髮窮花鬢麻達
罔不恫同心善始而一終他山還藉玉以攻此行
此詩嘉惠隆武庫豈僅軍威雄應須刻石垂蒼穹

穆如作誦山甫庸

小湖沈維鏞

底須籌海續圖編一卷新詩偉績傳

共遠牧除害馬力尤堅二語君泣更教瀛島開鄒

魯直使耕畚慕聖賢君以正誼堂所刊儒先理學

士得資珍重儀封嘉惠意儒風未許昔人專

曾向蓬山頂上行十年開府濟時心同舟況有屯

田策運掌都為傳說霖媿我疎慵頻捧襪多君風

誼重題襟焚香細讀興公集何減瀛南擁傳臨學

使例不
渡臺

溲娑洋集

金匱 孫爾準 平叔

紅藥
金匱

赴臺灣巡閱營伍留別笛樓前輩芝庭將軍
乘槎有願溯瀛涯一洗平生芥蒂懷摻袂最難知
已別郵筒莫使好音乖風搏九萬鯤鵬徒水擊三
千組練排歸日采風資獻納肯將志恠侈齊諧

興化

山近全圍郭橋平不起濤荔花香驛路茜草秀江
臯前輩科名盛當塗綽楔高無由尋夾漈駟馬媿

塵勞

興化道中雜詠

山遠波平樹色參到來烟景似江南此鄉風物尤
殊絕一寸離支五寸柑

女兒一色淡紅裳垂耳銀環寸許長唱徹樓東珠
一斛至今衣飾學唐裝

綠綬谿流靜不湍波光猶爲斬蛟寒楓林祭賽聞
銅鼓水利人傳兩長官

橘林深處鷓鴣啼一水縈迴路欲迷到此鄉心忽

棖觸間名一樣是梁谿

蒲桃古鏡鍛龍精博物爭推夾漈名聞說草堂遺
址在月明往聽讀書聲

最是楓亭繫客思白花已見綴青枝遶來要試紅
雲燕正及薰風買夏時

郵館

背村循僻逕郵館倚山躡石壞樹穿砌地陰峯瞰
窗曙膚惟足蚋傾耳不聞老夜半雨鳴瓦夢迴疑
在艘

大盈

避歆郵舍暫停騶賸有斜陽屋角浮閒倚窗前看
風竹晚涼消受一襟秋

泉州

春風花發刺桐城小隊郊原按部行晉代清流餘
古處陳家紫荔舊知名十洲利擅魚鹽俗兩道雄
屯驃騎營曾是當年爭戰地萬安橋外海波平

洛陽橋

人言海水廣我謂海水窄一梁橫亘之三千六百

尺其上容軒車其下走估舶廝流四十七潛螭卧
深碧潮落試俛窺蚶蠣滿礎礪濱海生計微籍拾
恣狼藉天風失依傍伶俚飈行客若非兩扶欄飄
墮鮫人宅緬想締造初鳩庀費規畫飛符檄水府
神鬼輸工役諏日約期會谷王避潮汐忠惠儒者
流詎肯矜誕僻毋乃定民疑神道借巫覡虞初侈
軼事流俗豔靈迹遂令忠信志傳聞等戲劇要知
倮蟲長力可鞭很石龜鼉洵堪駕蛟龍不能隔巍
巍橋南祠雲題耀棖額我來肅瞻禮再拜奠束帛

豐碑立屬鼻雄文重圭璧大書翥鸞鳳平原見風
格偉烈誠不朽萬古照澥磧緊誰好異聞桀乘志
蔡錫

廈門

廈門本荒碕何年盛都會海壖數繁要彈丸乃稱
最自從鯨頭人於此建大旆金門依輔車浯嶼互
衿帶臺陽跨天險澎島通地肺倔強波濤間自覺
夜郎大七星兆妖讖兩豎效狼狽終自尋戈矛先
後伏礎欽大帥設中權四鎮屯下瀨碧澥澄波瀾

黃圖大無外浮天走估舶隘地集市儉南琛獻丹
于上貨羅紫貝權估設關梁譏苛竿舟軌姦富操
奇羸末游藉沾丐邇來頗凋劫褊陋等自鄙盛衰
有倚伏物理戒其太龜毛詎成氈蟬腹將欲蛻寄
語桑大夫心計曷足賴廉如蕭廣州方物倍司會
自廈門渡海至澎湖

九州之外更九州愛聽海客談瀛洲茲來破浪試
新險汗漫真蹋鼉鼉游大登門前始一縱如箭脫
筈不可收鯨濤高噴日色澹蜃氣上薄天容愁不

知舟行自掀簸却怪島嶼頻沈浮初看水色鴨頭
 綠紅黑忽度雙橫溝柁樓四望絕山影天水合作
 琉璃球我於其間渺一粟俯念身世真蜉蝣人言
 落際此最險失勢直達東琉球長年燒紙禱姥祖
 挾舷驚起長黃蚪滿船動色寂無語紅燈何處來
 珠旒閩人謂天后為姥祖舟人言曾遇險禱於姥祖髮髯見空際有紅燈導從冕旒而至者舟
 卒無恙我聞徐福采仙藥三千童女隨行舟金房銀
 室住蓬島左股夜失知誰偷不如張帆竟東下方
 壺員嶠或可求胡為齷齪住塵土井墓浪語真堪

羞橫雲一抹忽當眼三十六島爭遮留

澎湖

澎湖雖疊空臺陽實門戶排衙卅六島環列燦可
 數地磽不宜禾石髡并無樹生計孳畜牧務耳記
 五羖自從開皇來畧地屈其澣元明暫羈縻格遠
 乏干舞遂為盜所叢弄兵聚樓艫倭夷一鉞來屢
 挫水犀弩

國初道猶梗跳梁窟狂豎

詔書示寬大倔強不受撫妄竊聊自娛金厦築郡

塢東渡此禡師赤嵌啓版宇居然虎負嶠實乃魚
遊釜

王師天上來當轍揚螳斧一麾顧榮扇反風隨白

羽再拜耿恭井甘泉涌斥鹵桓桓師武臣削平憑

一鼓靖海侯施琅征鄭克塽與偽鎮國公劉國軒戰於姥宮澳有風自西北來滄浥蓬勃逆我

師三軍股栗琅徇師大呼須臾雷動轉南颺我師

乘勝奮擊國軒從吼門逸去我師入駐澎湖水苦

鹹琅禱於神籍戶入版圖聲教置官府涵濡逾百

祀椎髻易綦組夏屋儼渠渠周原亦膺膺上庠興

髦士百貨走商賈我來簡戎兵采風非耀武所惜

言侏僂未盡通疾苦丁寧告司牧蚩弱安可侮淳

悶天未漓擊壤追太古勿謂海濱陋漸風卽鄒魯

海舟戲書

低昂隨浪簸掀餘萬斛舟如掣巨魚長吉心肝都

嘔出賦成終是遜元虛

舟夜聞笛

渡口人家寂掩扉誰吹霜竹韻依微發音隣舍思

何極奉使樓船客未歸潮靜魚龍偃岸聽月明烏

鵲遶枝飛曲終漏轉星寥落海色蒼涼碧四圍

臺灣

飛帆破海色遙指大瀛東山立鼇身外城開蜃氣
中港因沙磧險壘藉盪纓通水寨屯形勝臨風鼓
角雄

地勢鯤身繞潮聲鹿耳來

王師千舸入天險一時摧運啓歸圖版風清闢草
萊至今巖鎖鑰須仗勒銘才

毘舍讖雞鳴倭夷屢戰爭春雷青闕礮夕照赤嵌
城遂作萑苻藪猶傳草竊名妄思效張仲終竟媿

田橫

世共夸金穴人猶習火耕俗奢希旨蓄土曠易兼
并遊手逋逃集無家去住輕移風方有待漫動樂
郊情

見說山中社猶餘化外番土牛淆界址稅鹿困苛
煩狠牧真堪喻鯨吞太少恩屯田遺策在吾憶趙

翁孫

時方澄
釐屯饒

聞道沙連島清谿勝壤東春風神藥綠曉日佛桑
紅鄭谷逃名客商山避世翁幽蹤何處覓目極白

雲中

臺灣端陽

有生幾端陽海外今年獨疾風卷飛雨跳珠響竹
屋圓陰漏午晴嘉樹淨如沐吏散廣庭空無言對
僮僕強持一尊酒泛此菖蒲綠羈愁坐懷人潮聲
殷坤軸

大雷雨

何因驚客七母乃鬪時門雷奮破山出龍騰挾海
翻響繅迷竹樹室暗昧朝昏試檢五行志災祥未

易論

晴

正厭檐聲急俄開夕景斜病蟬移別葉飢雀啄殘
花蘚石欹深窟萍池漲淺沙此時鳴得意惟有一
羣鼃

登澄臺望海

放眼澄臺上遙帆几席前潮迴吹地轉浪去匝天
圓詩思滄洲濶歸心落日懸浮槎如可上何處問
張騫

卧病

苧衫蕉箒繞迴廊睡起方知夏日長劇喜得閑緣
卧病未因多冗減詩忙涼生窗竹微篩影風細池
荷遠遞香漫道祖洲饒大藥龍宮何處檢遺方

大湖

竹烟簾空濛絲雨糝微綠時時簾籬中三兩見茆
屋民靜喜風淳禾蕃識田沃納秸勤輸將美哉此
荒服

武洛社

迢迢山隴少人家行趁谿流石逕斜夾路蒙茸濃
綠裏時逢一樹海紅花

鳳山築城詞

埤頭新城如卧瓜上直下橢西南斜自從埤水失
防障夏秋散漫來無涯十家九家苦痺濕重髓沈
溺生咨嗟今年破篷上天半蟻苔生衣竈產鼃城
基蒸土築不得插脚下陷皆浮沙人言築城舊城
好左龜右蛇相對抱伐材近取打鼓巖地脈遠接
崇爻島當年蟻賊裹羶來正苦東南缺烽堡包山

儻許築墉基負固真堪等天造我聞太行左孟門
右中流四顧奚足多金城之嶮須人和斬華浚塹
自表裏封豨狃窳將如何海賊來時山賊過新城
亦殘舊城破君不見羅闐不設藩爲軍楚人寢謀
晉人卧

調攝

調攝今知亦大難殊方氣候太無端斷霞鸞尾連
晨晦積雨羊裘五月寒鬼箭風多宜晚起香茆瘴
重慎加殮祇餘一事猶堪喜滿目春光夏未殘

夜起

倦暑睡復起卷簾納輕爽空堦露微下夜靜百蟲
響慮閑物態呈卽事寄幽賞暗竹時一明孤螢自
來往

聽琴

流水挂空壁秋風生遠林煩君一揮手媿我非知
音夢寐中原隔波濤大海深金嶽爾何物能會此
時心

書事

三軍有司命登壇凜盟歆號令拱倚轅進退視揮
箠何知寵臣貴不畏功曹脅仆表示師期取笠明
軍法詎同棘門戲竟等戍遂狎猛異虎在山縱類
兕出柙北面誑誓言南塘恣剽劫曾無三令申頓
噪一營甲犇勢突狼豕譁聲亂鶩鴨綦節誰之司
傾岳失彈壓徒媿中權陳如臨大敵怯豈擐忍辱
鎧甘戴無顏恰飾怒髮爲指髡職眉遑摺御驛期
利銜斬馬方在匣肆市獨柳刑駢首大槩插要使
成金湯敢自毀藩押衙軍橫致燔貉奴噤還踰戮

夏日卽事

僕終服戎割髮乃開鄴罰明賞非濫威立恩始洽
兵事尙嚴終勅法昭韎韐

蓮漏悒悒清晝長卷簾拋塵坐匡牀海霞向晚如
含雨庭樹先秋已送涼稱體暑衫宜苧布醉人風
味賸柳漿暫來尤喜徵方物益盎都栽七里香

贈孔荃谿觀察

舊依香案侍

璇宮出領蓬萊

賜秩崇臺澎道加按察使玉局文章傳海外金絲

緒業本淹中兩原盡格兜離俗多士初聞正始風
直把東隅比西蜀共推雅化起文翁

奉

旨募商由海道運米赴天津詩以送之

臺端新法問誰條積貯爭傳海國饒根本夙推三
輔重雲帆初轉二沽遙徑殊徐伯新渠水險越秦
皇舊石橋送棹疆臣心共遠相隨萬里趁風潮

木柵

朝辭綠珊城日出露已晞塗荒戍堠遠坐憫輿夫
疲野水多縱橫屢亂沙間谿郵亭得小憩聚氓看
旌旗人煙助蒸鬱喧吹蕩心脾驕陽卓火繖庭蔭
久不移清風渺何處弱柳垂絲低蹋冰詎可致握
炭良在茲茂林鳥戢翼密藻魚潛漪飭徒趣熱坂
我行安可遲持竿爾何人跂足河之湄何必北窻
下已在羲皇時

新埠

是處人家刺竹籬郊原入望綠參差海霞曉蔚蛟

龍氣石黛晴含翡翠姿
灤湧水精鹽勝雪碓春玉
粒米流脂輜車何事編叢笑
收拾風光入小詩

熟番

土番種類非一族
獐者生番馴者熟生番嗜殺不
擇人金飾頭顱作筭卜熟番改土皆歸流籍名僉
丁統以酋官來俯伏迎道周手執竹枝弓背負雞
羽鏃戈矛錯雜閒旌旂媚家也夫在前賦新番後都
都團作獻擎兩手達戈紋番錦襖垂桶幫跣足如
霜花插首銀牌紅布官賞番侑以如澗百壺酒番

丁何所能雞距緣木如猱升卷銅作荷徹夜響麻

達少年未娶之稱傳檄行奔騰番婦何所作竹籠毆魚便

耕鑿番丁苦閒婦苦忙番婦不若番丁樂

皇仁計口均受田不輸賦稅蠲租錢溪流一過沙

滿壟維草其宅青芊芊人言番丁今好訟傀儡牽

機隨喉弄膏腴一甲博一筵番田多為漢人種

唔口訴誰能應通事傳譯愁難憑可憐有隱不得

達仁人見此當哀矜君不見竹王祠南廩君北獐

苗當日華胥國漢奸蠶食何能堪一夜耰鋤化矜

棘莫言往事不足徵戡定頻煩

廟堂力

麻達

番中少年號麻達夜遞檄書響銅鉢驛騎流星追
不及一步自矜三尺濶編藤束腰能疾馳勸爾及
壯母後時不見病衰行不得羸軀昇作烏鳶食

老病者不待其死卽昇
置山中聽烏鳶食之

北港待渡觀日出

屯雲霾東峯初日隱未現西雲忽先知遙逗金一

片須臾鼉采昇濃淡隨所絢灘急不受影流光滿
波面似將百種色染此一疋練清暉難強名擬議
形已變灘渙詎足方堅坐目爲眩邂逅得奇觀蓄
眼未曾見相呼上竹簾欲去情猶戀

埔裏社

臺東山勢如連鰲溟郭氣大噴雲濤包孕隱現不
可測突兀時露雕與尻長風一掃淨寥廓蒼峭百
摺屏風高恍移廬阜墮蠻徼奇秀未可輕些訾懸
厓絕磴孰能傍生番趨捷追緩猱平時殺戮代耕

作強弓毒矢爭先操豈惟人跡不敢入赤豹駭遁
元熊嗥安知中央大如礪沃野萬頃開平臯天荒
地老未開闢土乳泫泫流春膏邇來漢奸頗采入
爭營甌脫圍篋勞南山雖錮猶有鄭利在彼肯遺
秋毫決渠荷鍤畫畧井腰鎌程程芟蓬蒿野犍干
頭競跳擲馴伏漸可加籠絛人生有情物有性物
猶就擾人何逃胡爲巧誘復豪奪密箐晝夜長號
咷況聞風俗亦不惡嗜好服食同吾曹龍梭作鑷
織錦蜀鸞管書字傳紅毛留客固居若圖畫待姑

嚼米成香醪鞦韆遊戲樹陰底嘴琴鼻吹聲噴嘈
誰能撫摩適厥性淳質正可資薰陶屯田計口授
之食角材團練收其豪倚天爭奉祿布約詛酒共
飲留犁撓力役羣趨聽磬鼓積粟高廩堆連敖卑
枝鳥巢俯闕敲開戶犬足眠生菴武陵仙鄉在人
世青谿夾岸栽紅桃花開洞口春水發相尋我欲
拏魚舸

明沈斯庵太僕墓

虛館饑無廩浮家老不歸隨身唯皂帽畢志竟黃

衣滄海成高蹈旄丘感式微一坏荒草合誰薦首
山薇

臺陽雜詠

關門非鴈塞

關渡門在淡水東

沙磧似龍堆甲壤田疇闢

鉞盤市舶來雲容晴後滿山騰雨中開

晴霽則諸山烟靄蒼

茫若山光透露即為風雨之徵夢虵

明季李茂春園名無尋處名園付劫

灰

蟒木船剝甲

剝木為船名曰蟒甲

龍香劑割涎焚輪風有火

沸井水無煙硿戶徵蠓饒山居訟蠮田沿流頻喚

渡九十九谿邊

風草欣無節

風草春生無節則是歲無颶風

霜筠怯走鞭

竹皆叢生茁筍

不出叢外

玉香花媚晚金綴菊迎年湖采螺紋石番通

馬劍錢忽看方物集新返荷蘭船

拱鼠曾名麴蹲鴟藉作糧潮魚驚海熟

魚隨潮大上名曰海

熟火鹿憫番荒

鹿為獵火驚散名曰番荒

槎擣蓬萊醬

槎字始見於鄭

樵通志俗名番蒜用糖菴之曰蓬萊醬

椰傾沆瀣漿

椰子大如瓜剖之有清液可椀

許名曰病來煩米卦

俗尚巫病輒延客子師

攜撮米占之曰米卦

三保

有遺薑

相傳明三保太監至臺所植薑可療百病

佛髻波羅蜜仙膚優鉢曇芬抽芳蕙苦蕉剝露芽

甘南鳳三杯粟三杯粟產鳳山縣西螺五寸柑西螺產柑絕佳問

誰能徧識名狀漏嵇含

方法唐僧授唐大歷中鄒和尚始製蔗糖和凝冰瀘蔗漿輸租連

廊屋擅利走帆檣味壓嶮山雪光欺宋井霜緣知

雩都縣何減木奴鄉

漸習殊方俗何辭過海行吉凶占雀語華雀番名蠻在每出

獵聽雀語以占吉凶更鼓聽鳩鳴白鳩能知氣鐵樹珊瑚細

金莖蛺蝶輕鐵樹花如珊瑚金莖花俗名金絲蝴蝶二花番女多簪之郵亭欣

遠眺雲脚畫新晴雲脚如畫家繪水石其下橫染一筆為界者是也雖濃雲靉靆

有脚可見必不雨

到來時令異何處問神功稻熟三春早蟬鳴二月

中晨占帆鬣雨秋試紙鳶風歎息吾行遠真看地

軸窮

後隴望海

我過大甲谿日日濱海行海濱坡陀高復下起伏

尙學波濤形我登其高望海水長風掣輿欲輕舉

望中尙隔交眉山衣邊已濕濤頭雨濤頭拍空吹

浪花散落有似鳧與鴛隨波泛泛去何極欲往從
之無靈杳搖空灩灩含淡碧漸遠漸深色轉黑簸
蕩日月光炯碎倒射露雲換天色我欲拔劍屠長
鯨坐令萬里滄瀛清身騎白龍蹋波渡手招謫仙
朝玉京靈斐鮫妾出歌舞指點雲旗導前路題詩
直上金銀臺乘醉敲折珊瑚樹安期羨門不可尋
鬢毛日夕秋霜侵鬣憤龍愁窈冥裏千載不死成
連心

香山

我行香山麓去海尙幾里不知潮方生但恠濤頭
徒白馬紛趁人追犇未足擬輿丁騁捷足已墮浪
花裡風雷脚跟過直打蒼崖趾幸免滅頂凶未遂
出坎喜潮來已莫測潮退尤難揣深恐歎欲閒攝
入龍宮底膠沙數漁艇蕩漾一時起上下如蜻蜓
狎浪隨所使徒懷羨魚情詎有屠龍技乃知習慣
成未必中有恃白媿忠信薄濟險亦偶爾

番茉莉

花大如菊

稱名一洒小南强畧似荼蘼不似香可惜瘴風蠻

霧底亂憑畚女插釵梁

仙種來從粵海舫芳苞香酷散幽廳若教南漢宮
人見不向花田種素馨

彭澤人來總不知團霜翦雪一枝枝却疑海外風
光早未到重陽菊滿籬

三貂嶺

峭壁青到天雲白翻在地行人衝絮過纖絲遠猶
曳朝晴無漏曦灌木翳深翠山深氣不泄寒暖惟
一致雜花紅娟娟開謝亂無次巨石塞路礙足踐

動欲墜徒御相攀援車騎徒爲累但躡猿猱蹤樵
夫不曾至

洪荒閉叢莽前年始開闢豈徒斷人蹤并無獸踏
迹幽禽樂爲家籟響鳴格磔初聞如蟬絃清越音
厯厯旋復似鼉鼓應節紛叩草仰視徒蒙茸何由
睹毛翮愧非博物才無從問伯益正恐山海經亦
復漏詮釋足跡半九州此行真創獲

中峯矗孤筍磴道如螺旋一轉一境出萬轉躋其
巔羣岡青玉玦豁露西南偏巨澥若可掬波浪洶

我前蒸蒸氣如釜照日生孤烟乃如龍宮底信有
陰火然長風忽鼓盪覆水低不騫規圓大明鏡淬
拭兜羅綿惜無竺朗公雲構長安禪從之借僧榻
堅坐了餘年

頂雙溪

我從臺負來千里皆平阡昨過三貂嶺陡起青鑱
天茲山雖不高亦足稱隨肩磴路窈而曲風物幽
且妍清谿不一里東西屢洄沿旣度奔星杓復喚
蜻蜓船有如誦佳句不厭相流連徑迴見村落壘

翠開梯田蔬畦槿編護瓜蔓笊籬牽吠人走黃頤
伏地閒烏犍涓涓細流出屋後渟深淵媿將黃塵
面鑑此碧玉泉徑思攜枕簟直就盤陀眠乃知裨
瀛外何地非安便胡爲陔六欲甘作十種仙低何
未能去騶御催鳴鞭

山行雜詠

叱馭休嗟行路難每從艱險得奇觀浮查劈浪潮
千尺跋馬穿雲磴百盤陰火吹煙磧井毒晴曦射
雪玉山寒峯巔俯瞰明霞晚倒影迴風蕩紫瀾

前峯秀出聳單椒
硤裏幽尋勝事饒
鳥囀圓吭九
藥落螻翻輕翅碎
紈飄紅鋪絕壁花
成障綠浸橫
谿樹作橋佳處何
人營佛刹坐聽鐘
梵答歸潮

噶瑪蘭北關

山頭亂石金華羊
下飲大澗波茫茫
蹴踢洪濤濺
飛沫紫瀾迅激浮
驚霜北關拔起通
一線訇然石
扇森開張天開地
關絕人跡胡煩設
險勞隄防我
皇德遠裒日出坐
變斥鹵為耕桑乃
知天意早有
在陽施陰設成巖
疆我來叱馭行過
此戍卒環迺

排壘槍關中沃野
七千甲南東其畝
菜鋪穰茆茨
土舍雞犬靜疑從
上古窺洪荒鳩舌
侏儻費重譯
見人狂顧如驚獐
地無可欲視聽寂
安得習染生
癡狂無懷葛天在
人世桃源之說非
荒唐鯤壑東
瞻塞礁石雞籠西
顧連崇岡瞿唐劍
閣身未到鄙
阮視此誰低昂援
毫思欲勒銘去媿
無筆力追孟
陽

七夕有懷用臧姪

絕島俄驚綺節催
明河有影鵲飛迴
臺陽曝衣往

事懷南阮杖策孤行覘北臺分野星占牛女外重
瀛秋斷鴈書來遙知瓜果筵空設涼夜何人共與
杯

觀海上暮雲作

暮雲嵯峩與山雜夕照迴光紫翠合一重一掩糾
莫分雲忽出山山出雲倒影浮光搖貝闕鼉踊龍
騰爭出沒收芒斂彩須臾間碧海泱泱浸圓月我
時歌詠樓船樓坐惜奇景不可收欲呼謫仙著官
錦載酒同作騎鯨遊

泊觀音山對月

四度蟾光滿孤槎客未還影懸滄海裡夢繞亂山
間天地身如寄風霜鬢已斑遙憐小兒女計日卜
刀環

溲娑洋集終



臺灣府志雜著門首婆娑洋集二卷仁范咸浣浦著

丙戌上巳更公印



